

KRALJEVINA JUGOSLAVIJA

UPRAVA ZA ZAŠTITU

Klasa 54 (4)



INDUSTRIJSKE SVOJINE

Izdan 1. Aprila 1930.

PATENTNI SPIS BR. 6887

Wiesler Joško, trgovac, Tuzla.

Naprava za vršenje reklame i obavesti na prostoru na kojem se kreću ljudi i promet.

Prijava od 30. decembra 1927.

Važi od 1. oktobra 1929.

Izum je naprava kojom se vrši reklama i obavesti u neograničenoj duljini. Naprava se sastoji iz valjka 1, osovine 2, posude 3 za boje i mellica 4.

Valjak 1 može biti iz ma kakovog materijala, svakog promjera i svake veličine i širine. Namješten je tako, da se kroz sredinu provuče osovina 2. Valjak i osovina ujedno čine jednu vrstu točka sa osovinom. Valjak i osovina konstruišu se tako, da ih može čovječja, mašinska ili ina snaga naprijed ili natrag pokretati, ali tako da se valjak sa manje ili više pritiska dotiče prostora na kojem se pokreće, a da se pri pokretanju okreće oko svoje osovine. (Izrazom „prostor“ mislim svako mjesto na kojem se naprava pokreće, na pr. cesta, asfalt, pločnik i t. d.).

Obručna ploha 1' valjka koja se dotiče prostora može biti iz ma kojeg prikladnog materijala (na pr. guma). Ta ploha je snabdjevena sa urezanim, izlijenim ili nalijepljenim tekstom koji se želi, tako, kada se valjak pokreće, da iza sebe ostavlja dotične otiske na prostoru koji prevale.

Ako je teren mekši ostaju otisci bez uporabe boja. Ali ako se reklama ili obavijest želi vršiti na tvrdom prostoru na pr. asfaltiranom, upotrebljava se boja, kakova masa ili tekućina sa svojstvom, da iza sebe ostavlja željene otiske.

Boja, masa ili tekućina stavlja se u zato određenu posudu 3 iz koje se prenosi pomoću jednog ili više za to udešenih ma-

njih valjaka 5 na plohu teksta t. j. kod uporabe valjka.

Sastav boje, mase ili tekućine bira se prema vrsti terena na kojem se kane otisci proizvesti.

Naprava je snabdjevena sa četkama 4 ili metlama koje čiste valjak koji se kod uporabe eventualno napuni smećem. Isto tako smještene su jedna ili više metala na napravi tako, da kod uporabe čiste (metu) pul kojim valjak treba da ostavlja svoje tragove.

Ovom se napravom mogu vršiti nesmetano reklame i obavesti na svakim pa i najprometnijim mjestima, u neograničenoj liniji i duljini, brzo uz vrlo male troškove sa velikim uspjehom a apsolutna je novost.

Patentni zahtevi:

1. Naprava za vršenje reklame na saobraćajnim mjestima, naznačena time, što je na osovinu nataknut valjak snabdeven na vanjskom obimnom plaštu sa urezanim, nalepljenim ili pričvršćenim tekstom željene reklame ili obavesti koji namazan bojom prilikom okretanja valjka ostavlja otiske na kojem se kreće.

2. Naprava za vršenje reklame i obavesti po zahtevu 1., naznačena time, što je na napravi namještena jedna ili više mellica koje čiste tekst na valjku od eventualne nečisti i koje posebno čiste prostor po kojem valjak treba da ostavlja otiske.

Fig 1




Fig 2




Fig 3

